

EQVITIS POL



7 E 30

Prophetia S. Hildegardis Brocui J. xv.
Fol. 465.

Salvatores nominantur. ab Equite. fol. 4.

1626

Ioannis Broscii Curzelomensis
Medicini Doctoris ordinarii
Astronomi. post mortem ipsius
Bibliotheca maioris Collegii in
Academia Cracoviensi. rogat
autem ut omnia quae hic inser-
ta sunt, integre ad posteritatem
conseruentur alioquin unitatem hanc.

Destruenti anathema
Conseruanti benedictio.

intellectus
iudicat
veritatem

IX. 10. 1.

Contactus.

ad punctum

Vulgaris hic oculus caligabit diffidens plurimum.
Procul este prophanus.

inter 9 et 10 reperitur Proca Dawidowa Zahajensiu Calisii impo-
sa ubi loci non exprimitur, scriptum malitiam ab ipso legibus confectam
sub nomine Zahajensiu 1550 conferente evangelicis. omni animi quod in 1550

continetur egr auduit ex ore Frederici Sebastiani
legatus. quid mirum est et alii. Zahajensiu vero pungen-
tissimum induit vixit Bursum consuetudinis nulli modo
Contenta in hoc volumine fore potest alio, quam
ex relatione ipsius

- 1 Equitibus Poloni actio in lesinitas prima
- 2 Spongia contra Equitum Russi
- 3 Actio Arnaldi in Parlamento Parisiensi
- 4 Passeratus de rudiculis
- 5 Actio Pauli quinta pro Republica Veneta Oratio
- 6 Gratus deliberatio de compescendo emendi coram legum
- 7 Odiponius na Aristoteli pugnare legum
- 8 Responsio ad representationem legum
- 9 De Ignatio Corneo Zahajensiu Calisii pugnare
- 10 Obiitumam pugnare legum
- 11 Tarsia obitumam pugnare procy
- 12 Vindicta adversus Zahajensiu
- 13 Computatio comitum Zahajensiu
- 14 Bismutatio Borassi stylo divissimo
- 15 Gratus pugnare, Consens.
- 16 Epistola curatam ad quendam
- 17 Ad funerem Regis Polonici scripta Lepiani
- 18 Widoth Stahajensiu legum. Examine obitum.
Destinatio amaldama
Consensum benedictio.

hag. Diam
offam ador
narium.

Item. Manana Hispania lapsa. Iste vero
Antiquus temporibus qui ex Monachis Episcopis assumunt
Episcopos exhibent numerum vix huius, restat etiam
vix aut altiorum eorum non tam vix integrum
quam multis antebus antebus ecclesias esse perfectas
confidendum. Vnde huius illud caput.

pedagog

31. 1-19

vario

Cism. 51. 22 - 51. 40



Pedag. pol. 202 - 220.

XIX. d. 24.

274
770
VINDICIÆ

Scripto in Academicos

F. STANISLAI ZAKRZEWSKI,
Ord. Canonic. Regul.

AD

NVNCIOS MVNICIPALES
oppositæ.

à

M. IO. PRÆCLAIDE, S. Th. Baccalaureo
& Professore.

CRACOVIÆ, Anno D. 1673. 18. Febr.



In Officina Matthiæ Andreouienfis.

VINDICIA

Scripto in A cademico

F. STANISLAVUS KARZEWSKI

Old Canonist

10

NAVIGIO S. MICHAELIS

lin 5634

M. lo. F. STANISLAVUS KARZEWSKI

Canonist

ER. STANISLAVUS KARZEWSKI



10. 10. 10. 10. 10. 10. 10. 10. 10. 10.

Illustres & Magnifici Domini, Dñi ac Patroni Maximi.



Effecti nouo & inusitato genere
iniurię Academici, eosdem iu-
dices & cognitores causę no-
strę quærimus, & deposcimus;
apud quos scripto in nos prola-
to existimatione damnati, bo-
num nomen amisimus. Quid
nobis bonus iste Religiosus reli-
qui fecit? si locum in regno ad docendum conces-
sum, is nobis inuisus est, spoliatis dignitate, qua eum
tueri oportuit; si fortunas; sæpe honestas egestatem
consolatur: at bonę famę iacturam, nullę opes resti-
tuunt; si deniq; vitam, mors honesta optabilior est,
quę interdum vitam infamem exornat; vita infamis
ne morti quidem honestę locum relinquit. Quò
mecunq; verterò, nihil nobis salui esse video, bona
existimatione erepta; quę nisi vestro iudicio & æqui-
tate recuperetur Proceres, ita vt nostra innocen-
tia luce clarior appareat, nihil est quod quis nostrum
in hominum celebritate viuendum sibi ducat. Qua-
re vestram singularem humanitatem Proceres obte-
stor & obsecro, patiamini me innocentiam Vniuersi-

tatis in lucem producere; non abutar fide vestra, quā mihi in hac defensione à vobis dari obnixè postulo: res vti est exponetur; Vestrum erit intellecto & cōperto negotio, quid erratū sit à nobis, quid à parte aduersa iudicare, & vel caput cuiusq; nostrū in fluctus inuidiæ demergere, vel depressam veritatē, altius extollere.

Norum & manifestū est, vel ex publico scripto contra Academiam edito nonnihil controuersie nobis de noua Schola cū Patribus Societatis intercelsisse. Quo in negotio si fidem & officiū sequimur, id nobis vitio dari nō potest. Nā sempiternā memoria Princeps dignus D. Iagello, huius florentissimi Regni gloriosus propagator, hec præcipuum nominis & gloriæ suæ monimentum, hanc ingeniorum officinam, vnicum hunc in Regno sæcularium literatorum nidulum, nostræ curæ & custodiæ reliquit, & ita iure communiuit, vt staret dum regnum stabit, quod ille cū amplissimis Prouinciis, quæ sub ipsius imperio erant, tū clarissimis victoriis laudem Poloni generis propagantibus illustrauit. Pro quibus suis immortalibus meritis, non aliam à gratis posteris mercedem sibi dari optauit, quàm ne huius vnus beneficij in fundata à se Academia positi memoriam intercidere paterentur. Hanc gratiam sibi referri tam auidè concupiuit, vt nulla de re maiori sollicitudine cau-

cautum esse voluerit, adhibitis etiam in violatores
suae istius voluntatis execrationibus, quam ne Acade-
mia haberet extinctorem, cuius ille in Polonia pri-
mus autor & fundator extitit. Quod igitur hac in
parte fundatori munificentissimo fidelitatem praesta-
mus, cupiditati eorum resistendo, quibus nihil pensi
est, si Academia funere efferatur, huius nostri facti re-
prehensione non commouemur. Non agitur causa
nostra, sed Regni, cui Academia adscripta est, & qua
vna extincta nulla superest, quae pendeat ab arbitrio
& potestate Ordinum Regni. Nam reliquae Scholae
cum emanarunt ex institutis religionis Societatis, po-
tissimum spectant bonum religionis, nec sunt in po-
testate Praesulum, aut aliorum qui praesunt Reipub. *NB*
Videant itaque qui bono publico consulunt, ne quem- *quia / e de*
admodum Societati pulchrum est habere suas Scholas, *fundant ex*
ita Regno turpe sit nullam habere, quae sit in potestate *impunitis*
eius, & quae rationem studiorum, cum ad Ecclesiae,
tum Regni usum referat. Audio conclamare vniuersos
se velle Academiam stare, ac perpetuo florentem
esse: non nullos tamen cupere, ut per aemulationem,
nouae Scholae ad pristinum nitorem redeat. Nolite
quaelo putare, quod Academia Patribus Societa-
tis inuideat, cuius laudi nasceti, si respiciamus spa-
tium praeteriti temporis usque ad aduentum illius in
hoc Regnum, semper fauisse deprehendetur. Aperuit
A 3 Scho.

Scholas diuersis locis; num quæ indignatio aut con-
questio in Comitij Academicorū audita fuit? num
priuilegium Iagellonianum illorum conatibus oppo-
situm? quod contra Bohemiæ Regem interponen-
tem suam auctoritatem pro Vratislauenſe noua Scho-
la excitanda, apud Pontificem Maximum Iulium se-
cundum valuit, & robur suum tenuit. Num etiam sol-
licitati Senatores aut Equites ad prohibendos novos
Magistros? nihil horum moliti sunt maiores nostri:
tametsi tū longè firmiores erant, & in curia non de-
fuiſſent, quos odio religionis incensos, in Societatem
magis inflāarent. Gaudebant potiùs tanto bono
Ecclesiæ, quæ pios vitifatores à Deo accepit, ad pu-
tandam & purgādam vineam hæresibus inhorrescen-
tem, & ad nouellas vites cū inferendas, tū edu-
candas. Nec procedente tempore, quo iam cœptum
est veteris Scholæ gloriæ inuideri, dolor quantumuis
iustus, vllum verbum contumeliosum Academicis pu-
blicè extorsit, maluimus cantilenam nobis infusurra-
tam. Quod vos fuistis nos sumus, & alia diſteria æquo
animo ferre, quàm conuitium retorquendo ob vnus
dicacitatem, in multos innocentes imperum facere.
Hoc iam tandem tempore, quo Academiæ tollendę
consilium suscipi intelligimus, si reclamemus, si opem
omnium Ordinum Regni inuocemus, aut timori no-
stro parcendum esse putent, quem periculum salutis

Aca-

Academiae facit, aut nos finant, nec Cathedram contra Cathedram statuant, ut tandem aliquando timere desinamus. Nobis nunquam persuaderi poterit hanc nouam Scholam non esse appositam ad excidium veteris; terrent nos exempla aliarum Academicarum, quae à suo splendore ad obscuritatem deciderunt, nouis hisce Scholis institutis. Videas Viennae moenia Academiae non ita pridem florentissimae, ipsam Academicam iam non videbis. Videas in Vrbe aedem sapientiae, & in tanta multitudine hominum est quod mireris, paucos admodum esse, qui eruditissimorum virorum voci suas accommodent aures. Quid Patauij, an non apertis nouis Scholis, illa vetus redigi coepit ad solitudinem, quae nunc iisdem occlusis celebritate Studiosorum floret. Si igitur ista aemulatione aliae Academiae non enituerunt, hanc nostram meliore fortuna vsuram speremus? quae iam vix spiritum ducit; primum obseffa tot Scholis ad se aditum intercludentibus, deinde iactata iniuria de transferenda alio praerogatiua promotionum & honorum Academicorum, postremo nunc omnibus ignominiae exagitata, & omni honore spoliata & exuta. Sanè insignè specimen datum est istius aemulationis, ut nihil cuiquam reliquum sit, quod soletur Academici alicuius innocentiam, aut honestatem. Sed fortè meritò plectimur, qui tam illustri Ordini bono Ecclesiae, & Christianorum

rum Regnorū nato, viris cū sanctitatis tūm excellē-
tis doctrinę laude florentibus obtreċtare, & hāreti-
corum linguam contra eos exacuare ausi sumus. Ad
cumulum infelicitatis nostrę accedit etiam istud,
quod eiusmodi criminis arguamur; sed illud longē
gravius est, & certē inhumanum, prius nos conde-
nnatos, & mucrone styli confossos, quam ad dicen-
dam causam admissos esse. Quis iam modus superest
Academię, tanti criminis inuidiā leuandę, nisi vt in-
nocentia Academicorum oppressa per acris alicuius
inquisitionis facē explorata, (quod etiam nō reformi-
damus) ē tenebris suspicionum in lucem veritatis e-
mergat. Interim si recipit se ad cognitionem eorum
hominum, quibus Politia Academica nota & perspe-
cta est, sint illi testes, quod Vniuersitas, non Rēcto-
ris sensum, nutum, voluntatem sequitur, sed Rēctor
arbitrio, consilio, consensu Vniuersitatis, res mode-
ratur. Noluerunt Maiores nostri tantum vnius ho-
minis prudentię confidere, vt ei soli salutem pu-
blicam concederent, cui ne hoc quidem permissum
est, vt in priuatis iniuriis, illius decreto causę termi-
narentur; verū superiores iudices ac consilarii V-
niuersitatis adiuncti sunt, quibus facultas est, senten-
tiam Rēctoris vel approbare, vel irritam pronunciare
si quis illos appellārit. Quid proximē superiori tem-
pore Rētor egerit, ego scire non possum, ipse viderit,
si quid

si quid scripserit, quid respondere possit : illud scio
Vniuersitatem esse extra culpam calumnię cuius insi-
mulatur. At contra literas, contra manum, signum,
cuius est inuerecundię hæc asserere. Non inficior esse
aliquas literas, verum hoc contendo hisce literis non
posse cōuinci Academiam criminis. Velimus tantum-
modò rem rationis iudicio non odio pendere, &
si quid sub illud tempus, quo Comitìa particularia
celebrata sunt in Academia agi potuerit decernere,
profectò facillima erit ratio innocētię in lucem pro-
ferendæ. Dispersi per villas & oppida vitandæ pestis
causâ, à media æstate per totum autumnum vsq; ad
initium brumę, tractare & agere causam Academię
non potuimus, cætum nullo loco celebrauimus : quo-
modo igitur verissimile est? Vniuersitatem quę est
Professorum collectio, constans Facultatibus diuersis,
in ista dispersione, literas vidisse, probasse, dedisse?
Si homines iniquiores nobis esse iudices velint, ipsū
tempus pro nobis loquitur, ipsa calamitas, quę nos
dispulit, culpa liberat. Valeat igitur illa vox sæpius
iactata Rector & Vniuersitas, quę ad inuidiam ali-
quid, ad veritatem probandam, nihil propemodum
facit. Vniuersitas non defendet erratum Rectoris
minus tolerabile, cuius sensus debent congruere cū
sensu Vniuersitatis, nec fas est in rebus Vniuersitatis,
velle eum quidquam pro animi sui sensu pronuncia-
re, quod

re, quod consensu Vniuersitatis firmatū non sit. Ha-
beris equissimi iudices defensionis nostræ rationem,
nō plausibilem illam, sed tamen ad veritatem accōmo-
datam. Non sumus tam deplorato ingenio, vt cū
anteà existimationi Societatis, ad gloriam nominis
florescentis, fauissemus: eidem nunc in luce regni &
in oculis summorum virorum, magnæ & illustri, non
esse parcendum censeremus. Liceat nobis esse cala-
mitosis, non maledicis; quod est hominum fortuna
insolescentium. Si in vno aliquo è nostris ratio vehe-
mentiori perturbatione abrepta excurrerit, ad labem
integris inferendam: at in multis, & magnam partem
Sacerdotibus, tantam maleuolentiam reperiri credi-
bile non est. Postquā vero patet ex Academicis aut
nullum, aut vnum in culpa esse, æquum nē quis du-
cet, nos omnes lacerari, proteri, conculcarī? Deplo-
rarem hoc loco infelicem statum nostrum, qui à tan-
ta existimatione, vt etiam summis viris venerationi
essemus, ad tantum contemptum deuenerimus, vt
homini famæ obscurioris, per nostram contumeliam
& infamiam inclarescendi via pateat, qui stylo in Aca-
demiā verso, oblitus professionis suæ, homines li-
beros loco pecudum maledictis insequi palmarium
esse putat: nisi cū multa hunc dolorem mitigent,
tū in primis consoletur nos spectata, & satis nobis
perspecta, cū alijs multis causis, tū in hac præci-
pue

pue bonitas & æquitas Serenissimi Regis DD. N.
 Clement: qui quamuis imperio vti possit, tamen tar-
 dior fit ad annuendum optatis Societatis, prouidens,
 ne noua Schola obstruat luminibus Scholæ D. Iagel-
 lonis autoris generis sui præstantissimi. Multa habet
 S. R. M. incitamenta Scholæ nouæ excitandæ, cum
 ad maiorem splendorem & celebritatem templi ma-
 gnificentissimo sumptu, & vt vno dicam verbo regiè
 exædificati, tum ad benignitatis suæ fontes inopiæ
 iuuentutis studiosæ aperiendos. Si quando tamen
 ipsius pietati, fidei, æquitati, priuilegium D. Iagello-
 nis fundatoris nostri beneficentissimi à nobis com-
 mendari contingit, multa secum ipsa S. R. M. repu-
 tat, quæ suspensum tenent animum. Nam præter im-
 mortalem memoriam D. Iagellonis, quam conser-
 uatam esse cupit, illud maximè S. R. M. ante oculos
 obuersatur, relinquendum non esse successoribus e-
 xemplum vsurpandæ potestatis in antecessores Re-
 ges, à quibus tantum commissa est posteris cura re-
 rum à se gestarum gloriæ ab iniuria & temporum &
 hominum vindicandæ. Sustentat deinde animos me-
 tu ac sollicitudine debilitatos fiducia collocata in sa-
 pientia & autoritate Illustrissim. ac Reuerendissimo-
 rum Episcoporum, in quorum tutela Academia sem-
 per cõquieuit: quam prædecessores ipsorum benefi-
 cijs Ecclesiasticis, pensionibus, bibliothecis iuuarunt,

Non potest
 ut imperio
 abq. ordinem
 Regni amplexu
 su.

auxerunt, ornarunt, quam præsentes & huius ætatis
amplissimi Præsules consilio, gratia, præsidio tutati
sunt. In his nunc spes est, quod non patientur Acade-
miam tam arctè cum Ecclesia coniunctam suis sedi-
bus moueri, quorum ingenia nisi Schola excoluisset,
gubernacula Ecclesiæ non tenuissent. Exsuscitabit
in eis hanc curam prouidentia futuri, ne Academiâ
vt nunc dicitur mercenariâ ad nihilum redactâ; po-
stea casu aut iniuriâ aliqua vox etiam gratuita conti-
cescat, & occlusis Scholis subito literulæ exulent. Po-
stremò Senatus patrocinium, & Equestris Ordinis fa-
uor, sæpius nobis prosper ac lætus, vetant saluti de-
sperare. Ægrè ferent hi custodes legum, iuris, ac
libertatis cuiusquæ, huic Scholæ cuius literis antea
totum Regnum patuit, nunc ne vnius Ciuitatis am-
bitum patere, & fontem illum obstrui, ex quo par-
tim ipsi qui viuunt, partim maiores illorum suos
hortulos irrigârunt: quibus pudori non fuit felicio-
ribus illis sæculis per honorum Academicorum
prensationem, domestica ornamenta in Academiam
inferre, & cum suorum Maiorum laude, literarum
splendorem coniungere. His ad præsens reme-
dijs dolore compresso, nihil mouemur maledictis
ex triuio arreptis. Si conuiciatori libet gratis male-
dicere, nobis vt pereum non licet gratis docere, ita
multò minùs gratis malè audire: quanquam dubito
an impune ferret, & iam suæ stultitiæ poenas dat.

Non

Non intelligit homo imprudens, dum tantam sibi licentiam ad maledicendum usurpat, se nostræ causæ seruire, eorum quos defendit, nocere. Nullo modo nos fidem Ordinibus Regni facere potuissemus, quā malè affecta sit Societas erga Academiam, quàm de Academicis improbè sentiat, nisi iste emissarius in Academiā modò palàm fecisset. Ad cuius maledictis respondendum inuitus accedo, maluissemq; potius, vt nostra taciturnitas infamaret illius linguæ procacitatem, quàm purgatio criminum obiectorum, cōuincat mendacij religiosum virum. Sed quia veritas aliter defendi non potest, & maior ratio existimationis catus alicuius iure sociati, quàm vnius priuati habenda est, dabit mihi hanc veniam, si vbi crimen, obiectum vel non probet, vel leuibus coniecturis adstruat, eum non tam mendacij, quam erroris arguā.

Ac inprimis maximo eum teneri errore moneo, cum de Academicis suspicionē hominibus imperitis iniiciat, quòd hæresi fauissent. Deum immortalem & hominum fidem! quis vnquam Academiæ hoc crimen obiecit? Habemus tot manu scripta commentaria à Professoribus ætatis superioris confecta, qui interpretationi sacræ scripturæ controuersias fidei annectebant, & iidem ex Academica Cathedra, in Ecclesiarum Cathedras quas tenebant, tela ad quasuis hæreses iugulandas afferebant. Viuit adhuc in memoria hominum præstans pietas, & indefessum studi-

um Ioannis Leopolitani (vt vnum pro multis com-
memorem) ad ædem D. Virginis Ecclesiastæ eloquē-
tissimi, qui cum in vita magna vi orationis hæreticis
restitisset, postquàm tandē intellexit sibi de vita esse
migrandum, sollicitus de salute hominum, quos iam
doctrina instruere non potuit, exemplo suo moriens
ad obædientiam Ecclesiæ adducere conatus est. Con-
uocato populo die Sacro per omnia templa voce
Cōcionatorum in maius Collegium ad horam præ-
stitutam, iubet se efferri in aream Collegij, & Cygnea
voce adhortatus populum ad religionē Romanę Ec-
clesiæ purē & sanctē retinendam, inspectantibus o-
mnibus, viaticum sibi speciē sub vna dari postula-
uit, vt auditores suos de veritate Corporis Christi, &
de vñu Sacramēti sub vna specie, & vocis confes-
sione & facto suo confirmaret. Extant etiam in biblio-
thecis, & inter manus versantur libri nostrorum, qui-
bus acerrimē pro fide Catholica pugnabant, Noue-
cāpiani, Gorscii, Socolouij. His viuis licuissetnē quod
obijcitur, vñi Pincoiuo esse hæretico: Errare Pin-
couius vt homo potuit, sed si in errore perstitisset nec
eum abiurasset, quantūmuis Academia id criminis
dissimulasset, nullo modo Ecclesia Cathedralis pati
potuisset, vt in ea hæreticus esset.

Crimini etiam illud datur in quodam scripto in
plebem sparso, sub nomine satisfactionis nobilitati

Rauens

Rauen: municipii, datæ pro Iesuitis Crae: quòd Academia hæreticos in Regnum admisisset contra leges patrias. Obstupui dum hæc legerem, Academicos tã ferò reos agi, non tantum religionis violatæ, sed etiam legis Regni. Quinam rogo hæretici admissi sunt? de Stancaro fit mentio. Verùm pœna Stancari, culpa liberat Academicos, cui hæresim occultanti concessum ius Cathedræ imperio magni & cum potestate viri, breui deprehenso per nostros in hæresi ademptum est, eiq; igni & aqua à nostris interdictum. Si quis autem malit alieno potius iudicio, quam nostra excusatione impietatis nos absolui, non recusamus conditionem. Adsunt nobis elogia sacræ Sedis; non pati Academiam Crac. hæreticos; adest laudator eximius, vir sanctitate & eruditione Christiano orbi notissimus Stanislaus Hosius Cardinalis, qui in Epistola (quæ in volumine Epistolarum ipsius à Rñdo Stanislao Rescio Academiæ donato habetur) ad Sereniss. Regem Stephanum Academiã ornat his verbis: quòd pietatis veræque Christianæ doctrinæ præ cæteris studiosa esset, eamque laudem consecuta sit, quòd ex quo tempore fundata est, nunquam vlla hæresi fuerit cõtaminata, nec unquam aliquem hæreticum Professorẽ tolerandum putauit. Proinde desinant minus æqui obtruncato-

*Samuel
Marmarum*

res dicere, parùm abfuisse, quin per nostrorum inertiam cum inscitia coniunctam religio Regno pulsa exularet. Inuoluerat hæc calamitas non nostrum tantum Regnum, idcirco non est æquum culpam Academicos eius rei sustinere, cuius aliæ Academiæ ne appellentur quidem. Opponenda erat doctrina si quæ fuit pesti serpenti, ne longius progredi potuisset? An non opposita fuit? & quadraginta ampliùs annos antè aduentum Patrum in hanc Ciuitatem, cursum erroris remorata est. Optabiliùs sanè fuisset recens natam hæresim extinguere, sed quid non egerunt cùm docti & religiosi viri, tùm magno animo præditi Episcopi, quin etiam ipsi Max. Pont. quod non studium contulerunt ad hoc incendium opprimendum: nihilominus tamen vigeat, nec alicubi sanguine etiam fuso restingui poterat: donec autoritate Concilij moribus restitutis, offensionibus amotis, cultu diuino restaurato, multùm adiumenti ad eam rem conferente pietate, constantia, prudentia Principum, & studio ac labore cùm aliorum Ecclesiasticorum virorum, tùm ipsius Societatis flamma cæpit subsidere, & tandem Deo propitio suffocata est.

Iam forte videosatis expurgasse suspicionem violatæ aut saltim neglectæ religionis: de cætero rogamus, ne in inuidiam nos adducât nomine impietatis. Feremus facilius nobis inscitiam, lordes vitæ, & nescio

scio quæ non, ex probrari, quàm à religione Catho-
lica defectionem, sine qua viuere nolumus, & in qua
mori cupimus.

X Nec verò longè ab eodem crimine abest obie-
cta disunctio pietatis à literis. Quis ferat eas literas,
quæ ad pietatem non referuntur? sine qua sapien-
tia non solum infructuosa est, sed vitæ etiam huma-
næ infesta. Quorsum in Contubernijs sacella extru-
cta sunt? quid sibi volūt sacra, quibus festis diebus stu-
diosi interesse coguntur? Exhortationes ad pietatem
si domi desunt, at in Ecclesijs lectissimorum concio-
natorum præcepta piè viuendi non desunt, ad quo-
rum disertas & varia eruditione refertas conciones,
tanta auiditate audiendi concursus fit, vt propter ex-
temporaneam exhortationem, priuari se fructu elabo-
ratæ concionis nemo sit laturus. Quod in vno loco
cum laude & vtilitate fit, hoc in alio maiori bono fo-
re, impedimento cogitandum est; nec si in Scholis tri-
uialibus pueros & adolescentulos informari in stu-
dio pietatis laudabile est, in Academia in qua iam a-
dulti sunt, qui tùm gaudent officio, si in eo explendo
liberè rationis ductum sequi liceat, pietatem sub fla-
gello esse conuenit. Video necesse esse cōmemorare,
quo minus aliena insectatio nos feriat, nihil etiã hac in
parte desiderari posse, quod maiores nostri, qui non
ita fuerant amantes sui, vt soli omnia agere vellent,
vt nullas partes officij cæteris relinquerent, studium
C pietatis

pietatis colendæ cum religiosis Patribus è florentissi-
ma familia S. Dominici communicatum esse volue-
rint, & se admitti ad communionem meritorum, ora-
tionum, indulgentiarũ huius S. congregationis postu-
lârint, idq; in capitulo generali Anno supra Millefi-
mum Quadringêtesimo Octuagesimo Primo, à Magi-
stro ordinis Saluio Casseta, viro sempiterna memoria
digno impetrarint. Per quam societatem cum eis i-
nitam omnia membra Academiae in vnum corpus re-
ducta sũt, vt animaretur, aleretur, & vitæ spiritualis ca-
perent incrementa. Hinc fieri videmus nulla in Eccle-
sia vsq; ad hoc tempus, siue pro concionibus, siue pro
alijs pietatis exercitijs, Academicam iuuentutem fre-
quentiorem conspici, præterquam in æde SS. Trini-
tatis apud Patres Dominicanos. Nec hætenus ea
cura iuuentutis nostræ in pietate exercendæ intermis-
sa est, imò quo maior animis iuuenum ardor ad stu-
dium pietatis iniiceretur, ex magna Sodalitate Rosa-
rii literatorum cohors, in secretum Rosetum deducta
est, ad cultum diuinum æmulatione sancta inter
similes, magis propagandum. Et tamen nescio vn-
de pietatis nostræ facta sugillatio.

Fortè quis minus mirabitur frigere pietatem, si fla-
grent apud nos vitia. De leuioribus nihil dico, optan-
dum sane est, vt sine vicijs viuatur, ptoximũ est, vt mi-
nimis vrgeamur. At tam robuste, improbitatis, vt non-

nulli

nulli expilati fisci pauperum studiosorum accusentur, ego nolo esse depulsor; non inopiâ defensionis (nâ extant publicę tabulę rationum, & notum est vel nostri agri fructuum redemptoribus prouentum totius triennii, partim iniuria hominum, partim aquarum, esse dissipatum & auersum) sed animi dolore ex effrænata audacia nato, quod non puderet in corona totius nobilitatis fraudem tantam oblicere, quæ ne tenui suspicione probetur. Credo ego non indormituros famæ suæ illos, qui tam insigni iniuriâ appetiti sunt. Meus autem animus tanta contumelia fractus, etiam si meam personam crimen obiectum non attingat; longiorem defensionem refugit. Si enim licebit palam & apertè mēdacio in accusando uti, quid opus est obiecta diluere, cum tota defensio si dicatur falsa esse subuerti possit.

Quare præternauigans scopulum infamem, proficiscitur oratio mea ad cōtemptū nominis nostri profligandum. Obscuritatem generis nobis exprobrat, quam nemo adhuc ex tanta multitudine nobilitatis, Academicis probro dedit. Valdè miror hominem literis deditum, in quo sita sit nobilitas ignorare. Si ad libellam rationis & incorruptum iudicium sapientum veritas exigenda est. Nobilis est, in quo virtutis alicuius excellentia conspicua est; sin autem popularis opinionis arbitrio stare placet. Nobilis est qui

C 2 ius

ius libertatis consecutus est. Vnde apud sapientes na-
ta est illa distinctio, alium esse Nobilem vbique gen-
tium, alium domi suæ & in patria tantum. Credo e-
go neutro in ordine Nobilitatis ponet obtrektor
Academiam, cuius eruditioni & virtuti nequiter de-
trahit. Quem tamen si præiudicatis premere conten-
dero, magno in errore versari constabit. Non ita enim
contemptam & abiectam sacra Sedes voluit esse Aca-
demiã Crac: quam eò honoris prouexit, vt nihilò
inferiorem dignitate florentissimis & clarissimis Aca-
demijs dato Priuilegio esse iusserit. Non ita nuper
S. Pont: iucundę recordationis Paulus V. ignobilem
esse censuit, qui se viuo nihil eandem detrimenti ac-
cepturam respondit. Non ita vni è consilio Patrum
Purpuratorum, atq; eiusdem societatis olim alumno
sanctitate, & doctrinę copia illustri Roberto Bellar-
mino honor noster vilis fuit, qui à commendatione
causę nobis aduersę, apud SS. D. abduci se passus est,
& iuri Academico se nolle contrauenire humaniter
rescripsit. At tamen plebeio genere nati sumus; quid
tum? an putat obtrektor Academię, mei aui, aut
ataui esse Academiã? quid Patri plebeio cum Aca-
demiã? si filius virtute & doctrina eum locum con-
fenderit, quem Serenissimi Reges iure libertatis do-
nârunt, muniêrunt, decorârunt. Rogarem ego ab isto
nobili Religioso, exhiberet nobis Priuilegium iuris
nobili.

nobilitatis, quod autor generis sui consecutus est, quo doceremur, à quo ius nobilitatis donari solet, & quid eo continetur. Nos Priuilegium D. Iagellonis ei ostendemus, in quo cuiusuis conditionis hominibus, & vndecunque ad Academiam confluentibus causâ literarum, ea libertas concessa est, vt à quauis sæculari iurisdictione exemptis esse liceat, nec alium iudicem, nisi in leuioribus delictis Rectorem, in crimine ipsum Sereniss: Regem, aut si adscripti fuerint Ordini Sacro Reuerendis: Episcopum habeant. Quod Priuilegium tantum apud nobilitatem Regni valuit, vt si quando in ditione alicuius Nobilis natus, ius Academiae consequeretur, exire ei ius esset è potestate ipsius. Habet enim apud Nobilitatem locû, quod maximæ Urbis magnus Consul pronunciauit: Honos alit artes omnesq; incendimur ad studia, gloriâ, iacentq; ea semper quæ apud quosq; improbantur. Cum itaq; Nobilitas Polona sentiat, sine literis ne Scythicam colluiem esse posse, fauet literatis, nec illorum libertati inuidet, sed eam incolumem & inuiolatam esse cupit. Iniquius multò est, quod fieri tamen in Polonia solet, vt fortuna mutet genus, aut saltem illustret, quàm si virtus aut sapientia, quæ duæ res in honore apud omnes gentes habentur, attollant humo humilem hominem.

Laboret quantum velit obtrectator, nobis con-
flare

flare inuidiam apud Nobilitatem non poterit, sumus
ita huic Ordini florētissimo nostris laboribus, studijs,
obsequijs, deuincti, vt si ad rauim clamer, plebeios
inimicos esse Nobilitati, & de nobis id credi vehe-
mentissimè postulet, impetraturus non sit, vt ei cre-
datur. Perspecta est Nobilitati Polonæ animi mo-
deratio Academicorum, & prompta semper voluntas
ad eis inseruiendum in institutione liberorum. Itaq;
nolunt hanc opinionem combibant illorum filij, nos
esse suos seruos, quibus ius patrum vt præceptoribus
committitur, atq; imperium liberale, & quale
decet ingenuos, in eos exerceri, permittitur.

Cæteris in rebus non sunt graues Academici Po-
lonæ Nobilitati, opes non habemus ad inuidiam cō-
paratas, nec ad luxum, vt in scripto Rauē: asseritur:
si quæ sunt villulæ, eas omnes antequàm à Serenissi-
mis Regibus, & Viris Illustribus Academiae donatæ
essent, iuris Ecclesiastici fuisse, & cum Sacerdotiis ad
nos peruenisse, quisquis volet cognoscet. Veteres
illi Academici ab agris abhorrebant, & grandi pecu-
nia exiguos census emere malebant, nunc primùm
vbi paulo difficiliorem rationem exigendorum cen-
suum experti sumus, pecunia congesta ex munificen-
tia & liberalitate, in primis immortalis & nobis sem-
per latæ memoriæ Serenissimæ Reginae Annæ Jagel-
lonianæ; deinde incomparabilis Patroni, quo non

ita pridem orbatī sumus Petri Tylicki, Episcopi Crac.
Postremo cū aliorum, tūm nominatim optimi Se-
nis & Magnis in Academia Benefactoribus æquali
Bartholo: Nowodworski Sac: Militiæ S. Io: Hiero-
sol: militis, ad coēmēdas Villulas collata est, reseruato
iure redeundi ad sua, quando facultas erit, possessor-
ibus. Quos fructus non partimur inter nos, sed in v-
sus à benefactoribus destinatos conferuntur. Vniuer-
sitati inde emolumentī nihil, curæ plurimū accedēte.

Præterissē reliquas reprehensiones huius bo-
ni religiosi quibus odium Nobilitatis in nos concit-
are contendit: nisi vna querela de insolentia studi-
osorum, non nihil aduersari nobis videatur. Agno-
sco hanc labem esse ætatis nostræ, vt minus obtempe-
ret bonis consilijs iuuentus, verū hæc infelicitas
communis est Præceptoribus cum Parentibus, qui
meliores optāt habere filios, eos autem quos habent
tolerant. Sæpe afferuntur mores ad nos illaudati: &
quos alibi, aut metus, aut ætatis imbecillioris, vere-
cundia texit ac velauit: eos liberius viuendi facul-
tas facta, in apertum profert. Sæpe vt in mari reiectæ
sordes polluant scopulos, quibus adhærescunt, ita ex-
terna eluuiēs contaminat studiosorum sodalitates.
Sæpe etiam peccatur à parentibus, qui filijs tradunt
pecuniam, quam oportuit fidei Præceptoris commit-
tere, ne ignis stipulæ, ne materia vitijs, ne puero fer-
rum

rum suppeditetur. Sunt & alia multa incōmoda bonæ institutioni aduersa, sed maiora & grauiora occurrerēt, ex ista quam bonus iste religiosus expetit Scholarum diuersarum conflictione. Si quando in vtero gemelli conflictantur, excrucitata mater gemit; quid inter dissentientes studijs & animis catus, ciuitati sperandum esset? plena essent omnia turbarum molestiarum, querelarum, pacis & ocij nihil haberemus.

Venio ad aliam ignominiam de inscitia Academicorum depellendam. Grauis hæc est & acerba in Academico reprehensio, si in eo eruditio desideretur, quâ stationem suam tueri possit. Hæc nostris qui paulò antè vixerunt non defuit, siue prouocemus ad nonnullorum monumenta in bibliotheca seruata, siue memoriam hominum appellemus. Quis enim (vt ex recentioribus commemorem nonnullos) eruditior fuit Grebescio? quistrium linguarum cognitione clarior Marinio? quis Hebreaicæ linguæ peritior Felstinio? quis in Græca lingua scientior Lwowkone, ne attingā ceteros in diuersis Facultatibus laude ingenij, & doctrinæ florentibus. De nobis qui nunc sumus, si minùs honorificè obtrectator sentiat, non miror, qui etiam cuperet, vt literas obliuiscamur, ac studium docendi deponamus: Literæ etiam nunc in Academia latent potiùs, quàm absunt; quæ luce fauoris collustratæ, mox enituiscent. Non ita pridem Illust.

Dux

Dux Georgius Radziwił S. R. E. Cardinalis, Episc.
Crac: inuenit in Academia ea dignitate viros, quibus
adiutoribus ita reformauit Dioecesim suam, cū laude
& vtilitate, vt posteris exemplum ad imitandum pro-
poneret. Consequentibus etiam temporibus non de-
fuerunt ex Academia Reueren: Præsulibus qui mu-
nere suo dextrè & laudabiliter fungeretur. Requirit
præterea à nobis obtreçtator scriptores librorum, sed
quid requirat non intelligit, quotusquisq; est in Polo-
nia, qui legat hos libros, qui aliunde importantur. Alia-
rum gentium ea consuetudo est, vt honestissimam a-
nimi oblectationem, ex literarum tractatione capiant:
à nostris ad vsum tantum, & necessitatem, cū Ec-
clesiæ, tū Regni literæ discuntur. Si quis autem a-
more literarum flagret, is ex fontibus potius hauriat,
quam riuulos confectetur. Excussimus è manibus
Cleri monumenta Sanctorum Patrum, oblatis ex his
ipsis quibusdam excerptis, aut tenuioribus nostris co-
gitatis, quæ est desidiæ magna latebra. Quod si ob-
treçtator, adeò est cupidus legendorum nostrorum,
veniat ad nos, explebimus sitim eius, si fastidiat no-
stras lucubrationes, commentarijs in Sacram Scriptu-
ram & Magistrum Sententiarum, à nostris Maioribus
relictis; sin renuerit, nobis ignoscat, qui blattas & ti-
neas, magna impensa pascere aut chartam pretiosam

D

merci-

mercibus inuoluendis pro institoribus comparare
nolimus.

Ad mores quod attinet. mirum est virum religio-
sum, qui vultu, gestu, incessu grauitatem præse ferre
debet, in oratione lasciuiam non vitare. Nam illa cō-
memoratio lustrorum, Ganæarum, Gynæciorum, eti-
amsi vera esset, tamen religiosum hominem non de-
cet; cuius non modò vitam continētem esse oportet,
verūmetiam oculos, aures, linguam. Sitne ita vt cō-
memoratur nescio, mihi nemo etiā de quoquā secreto
dixit, quod diuulgatur; sed vt ita sit, vtique vnus aut
paucorū insania, non debet redundare ad infamiā plu-
rium. Sanè optarem huic religioso viro, vitam ho-
minum, nostræ societatis esse notiozem, paulò æqui-
orem censorem nostrorum factorum haberemus. Vi-
uimus legibus subiecti, ne peccare cuiquam impunè
liceat, ascendimus gradatim, ab humilioribus locis,
ad altiora, vbi lapsus quisq; vitat, ne aspersa aliqua
vitæ macula, cursum retardet, aut præpediat: pro sti-
pendio exiguus census assignatur, qui non satis est ad
necessitatem, ad exacuendam in iunioribus indu-
striam, vt otio semoto laborem intendant, in erudi-
enda iuuentute, vnde tenuem fortunam sustentent:
postea sacris initiari, cōoptantur in Collegium Sacer-
dotum ad Sanctæ Annæ, vel D. Floriani Ecclesias, vbi

colla-

collatis in medium fructibus Ecclesiæ, qui officium Academicum faciunt, & sine reprehensione viuunt, participes fiunt commodorum; sin secus, spes sua eos frustratur. tantam nobis esse curam cum honestè viuendi, tum officij explendi, si religiosus iste sciuiſſet, neutiquam aut in mores, aut in negligentiam nostram insolentiùs insultasset.

Aduerto illud accidisse huic bono religioso, quod fabulâ de quopiam narratur, qui laceſſitus, cum in aduersarium iecisset telum, frustrato ictu Nouercam percussit, atque sibi in malo facto aplaudens exclamauit: Ne sic quidem malè; ita ille præcepſit ira cum fertur in obtreſcatorem Societatis, de quo incertus sum an sit noster, Vniuersam Academiam, quam pro Nouerca habet, maledictis confixit, & in hoc ſcelere exultat; parum de eo ſollicitus, quòd in vetustam Coloniam Sereniſ: & optimè de hoc Regno meritorum Principum inuaſerit, ac nutricem liberorum & Nobilium hominum violauerit. Si eum non deterruit dira imprecatio D. Jagellonis Regis: vt quicumq; Academiæ ius, & libertates violauerit, iram vindicem diſtricti iudicis, & miſerabilis infelicitatis horridum euentum incurrat. ſaltem mouere potuit fremitus, & libera indigna-

dignatio totius Nobilitatis Polonæ, quæ iniquo fere
animo, veteres Academicos plurimis, & diuturnis
meritis commendatos, coram & ante oculos suos,
indignè tractari, damnari, & tantum non proscribi,
quos sub patrocinio suo tutos esse oportuit. Iacta-
mur non aliter atq; profligati ac perditii homines; de
iure nostro disceptatur in foro, in triuiis, in constri-
nis, ab his, quibus nec vocis, nec ferendæ sententiæ
ius est. Quàto æquius de præfenti causa iudiciū tulit
magnus in Ecclesiæ & regno Senator D. Stanislaus Ho-
sius, qui intellecta Serenis: Steph: Regis volūtate de
vocandis ex Italia Professoribus, ita ea de re Nuncio
Apost: Episcopo Mōtis Regalis in hæc verba scripsit:
Si qui doctrina excellentes Viri fuerint ex
his terris aduocati, non possum, non vehē-
menter probare, sed si seorsum aliam ab ea
quæ prius fuit instituta, Academiam institu-
ere cupiunt, id quale sit non intelligo, duas
vt Academias vna ciuitas habeat. Quod suum
iudicium etiam ipsi Serenis: Regi exposuit: Mihi
quidem, inquit, hæc nouitas probari nō po-
test, cum videam, quantū Academiæ Crac:
cuius alumnum esse me profiteor, præiudi-

cii sit allatura. Iudicauit sapientissimus Vir, quod alii nolunt videre, vni Ciuitati, duas Academias oneri esse, & vnam alteri calamitatem allaturam. Cum quo graui iudicio, vt vestrum quoq; iudicium, quod speramus fore æquissimum, coniungatis Proceres, valdè omnes rogamus. Præstare hanc pietatem gloriosissimo fundatori Academiæ D. Iagelloni, & posteris eius consequentibus Regibus, quorum gratia maiores vestri floruerunt, & beneficiis ipsorum non pauci ad eum splendorem peruenerunt, quem hætenus retinetis; vt nostram hanc propugnationem pro cōseruando iure Academico, quo continetur memoria nominis clarissimi Iagellonici, gratia, precibus, cōmendatione apud Sereniss. Regem DD. N. Clementi iuuetis. Non est aliena voluntate Sereniss. Rex D. N. clementis: à memoria Maiorum suorum ad immortalitatem traducenda; verùm ne ei persuadeatur laudem Maiorum suorum, iactis nouæ Scholæ fundamentis, minimè obscuratum iri, id verò est, quod à vobis perficiendum cupimus. Moueat vos fortunæ nostræ conuersio; nuper floruius sine inuidia, in aula DD. Iagellonum Regum; Ordinum omnium Regni fauorem sine assentatione merebamus; vna nostra Schola sine vlla controuersia totum Regnum capiebat; nunc de vna ciuitate mirificè laboramus, ne in ea nouo fō-

te aperto, & eò corriuatis aquis, vetus exsicce tur.
Quod si impetrare non possumus, vt ius saluum & in-
columitatem retineamus, proximum est, quod Vos
Proceres oramus, ne confictis criminibus obruamur
neuè honestate dispoliemur; vt si post exantlatos du-
ros labores, nobis excedendum sit ex Academia, in
qua nemo ingenuus sine dignitate viuere expetat,
abeuntes bona existimatio prosequatur.



Varsaniam 1626. 26 Febr.

Audire dixisse R^m Legatum h^o verba: Habebant
scripta pro suo favore sententiam: Si h^o ita sunt
requiro iudicium. Nam animum daret sedem summam
ad favores inclinari. Christus est Veritas, Via, Lux
Vicarius igitur Christi est Vicarius Veritatis, Veri
atq; Lucis. Respectu ad personas quascunq; aut fa-
vorem habet fieri digne. Sciunt autem h^o mu-
dum iudicaturum de iudicio aut Rotae aut summi
Pontificis. Si quid diversum fiat, lapides etiam clama-
bunt. Vincere nobis ne sanctus quidem Paulus per-
fuerit, qui sumus atq; omnes inspectus tam probe
quam septuagenarius aliquis lapsus, aut ex plus. Re-
membrete aliquando tulerim nos Philosophum et
id considerabimus: Eius, Unum, Verum, Bonu converti.
Magno intervallo distant Unum et Vnctum. Vnctum est
Unum. Vnctum multa continet. Lupus d^o ovem
appetit, Vnctum appetit. Vult enim carnem ovem
in furem hoc est lupi carnem converti. Multo h^o
Vnctum exemplar per occasionem tradit R^m Legato.
Vale. Curonus 26 Febr. 1626.



SIN e CERE monis
Si quid habes lesu vita ne gram hli partem
Qui focum fingit latro vaser rapiat.

Gdy na Gmh
Ja edlt Bull
pa p rany
wznu/Boru
Mie Vied X Slaw
legi in dca
notu
fauam/avla
mied

Biblioteka Jagiellońska



stdr00000560

Biblioteka Jagiellońska.

